

Mohd Amirul Kasyful Nur bin Zulkifli

From: Unit Komunikasi Korporat
Sent: Thursday, November 16, 2017 12:20 PM
To: UUM - All Staff; UUM - All Students
Cc: Staf - Pesara UUM
Subject: Timbalan Menteri Pertahanan Lancar Pesta Konvokesyen UUM Ke-30



Unit Komunikasi Korporat
CORPORATE COMMUNICATION UNIT
Universiti Utara Malaysia



16 NOVEMBER 2017 / 27 SAFAR 1439H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon
Gambar oleh: Abdul Halim Husain

TIMBALAN MENTERI PERTAHANAN LANCAR PESTA KONVOKESYEN UUM KE-30



UUM ONLINE: Timbalan Menteri Pertahanan Malaysia, Yang Berhormat Dato' Sri Mohd Johari Baharum melancarkan Pesta Konvokesyen Universiti Utara Malaysia (UUM) Ke-30 sempena Majlis Konvokesyen UUM ke-30 yang akan berlangsung pada 18 hingga 22 November ini.

Pesta Konvokesyen itu berlangsung selama lapan hari bermula 15 hingga 22 November di Tapak Ekspo, Padang Kawad PALAPES dan sekitar UUM bermula jam 9 pagi hingga 11 malam.

Dato' Sri Mohd Johari dalam ucapannya berkata mahasiswa harus bersyukur dengan keamanan yang dikecapi Malaysia hari ini yang membolehkan negara menyediakan sistem pendidikan yang baik dan sempurna untuk rakyatnya.

"Sebagai anak tempatan yang membesar di Changlun, saya berasa bangga melihat pencapaian luar biasa UUM hari ini, yang dahulunya adalah sarang komunis dan kini menjadi antara universiti terbaik di Malaysia serta menjadi tumpuan pelajar-pelajar dari seluruh dunia.

"Justeru saya ingin berpesan kepada mahasiswa yang akan mewarisi negara ini agar bersyukur dan mengekalkan keamanan dan keharmonian yang dikecapi negara dan meneruskan usaha untuk mengangkat nama universiti dan negara agar duduk sama rendah dan berdiri sama tinggi dengan negara-negara lain," ujarnya.

Sementara itu Naib Canselor, Prof Dato' Seri Dr Mohamed Mustafa Ishak berharap mahasiswa UUM dapat memanfaatkan Pesta Konvokesyen UUM sebagai saluran untuk mengasah bakat bidang keusahawanan, kebolehan dalam aspek kepimpinan, pengurusan dan yang penting, mengutamakan nilai perpaduan sebagai kunci kekuatan organisasi.

Pesta Konvokesyen Ke-30 UUM dengan tema 'Mahasiswa Tonggak Transformasi Nasional' ini akan dipenuhi dengan pelbagai aktiviti berbentuk akademik, keusahawanan, kebudayaan dan kesenian, sukan dan rekreasi, kerohanian serta pameran dengan jumlah gerai pameran dan jualan sebanyak 248 buah.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.